

Universitätsbibliothek Paderborn

**Joannis Pierii Valeriani Bellunensis Hieroglyphica, Sive De
Sacris Ægyptiorum Aliarumque Gentium Literis,
Commentariorum Libri LVIII**

Valeriano, Pierio

[Lipsiae] ; Francofurti Ad Moenum, 1678

Vehemens appetentia.

urn:nbn:de:hbz:466:1-14259

quarum caput alterū in summo perforatum est, funiculo perpetuo per virgas singulas ea transmissa longitudo earum ad pedes quatuor, vel circa. Cum ad locum pervenere ubi Cervos congregatos norunt, late diffusi equites peditesque modum agri, quanto satis est ambitu, circumstunt, statio nemque unusquisque suam per intervalla certa suscipiunt. Hic fascem quisque suum explicat, primaque virga ad finitimi ultimam alligata, reliquas per decempedæ, circiter intervallum singulas terræ affigit: idem alter, idem alii faciunt, donec Cervos undecumque concludere. Virgis ita dispositis pennarum punicearum, quas in hunc usum magno numero fucatas habent, fasciculos licio suspensos ad traductum per virgas funiculum hic & illuc alligant, qui aura vel levissima impulsu varia jactatione moventur. Stationarii mox in proxima se quisque abdunt virgulta, sagittisque intentis exceptant taciti. Liciorum hoc sepum ingreditur eques tantum unus cum odoris equis Canibus, iisque non admodum magnis. Hunc venationis magistrum vocant. Is ubi gregem nactus est, sensim accedit, latratuque Catulorum tantum fretus, agmen incipit agitare: illi conserti omnes una fugam capessunt, at cum ad licia pennaq; illas peniles pervenere, subito pavefaci ulterius progrederi non audent, sed illarum motum & fulgorem declinantes ad laevam non procul flecent, & rutilantes fasciculos illos prospectantes, tanquam muro inclusi circumaguntur: subsequitur magister, nomine quemque vocans ex stationariis, prout unicuique fit proximus: atq; huic primum vel secundum, illi tertium aut quintum aut septimum ex libidine sua telo excipiendum destinat, futurum sagittario de decori & ignominia, nisi oblatum a magistro sauciarit, vel si alium quempiam quam nuncupatum appetierit. Magister ita agmen tamdiu circumagit quasi per pomaria progressus, donec ita præda omnis per omnium vices concidat exanimata. Haec sunt itaq; pennæ illæ, quarum formidine attoniti stupidive facti Cervi, ab alienato prorsus animo consternantur. Has enim non aliter pavet, quam Elephanti colorem album, Tauri phœnicum ac rubicundum, Tigres tympanorum sonitum, Ursi Leonesve mappam, amiculumve in caput injectum, de quo locis suis. Sed quod ad Cervum pertinet, dant hoc nonnulli animalis stoliditati, ingenitoque cuidam stupori, qui ei de re qualibet oriatur. Natura omnino sunt hi meticulosi, quia frigidiusculi. Philosophi enim animalia eo omnia formidine magis laborare tradunt, quo frigidiora sunt, idque quotidiano comprobatur experimento. Cervos vero esse frigidos, lacryma dulcis argumento est, quæ falsuginosa est Apis, qui magna pollent caliditate. Hinc sit, ut ille fugiat, hic hostem adoriat, proque viribus injuriam ulcisci pertentet. Sed cur non Lucretii Latini Philosophi, eaque de causa mihi sepius citandi, luculenta super hoc carmina recitemus?

*Quare Cer-
vi sint me-
ticulosi.*

*De rerum
natura, l. 5.*

*Carm. lib. I.
Od. 15.*

At ventosa magis Cervorum frigida mens est,

Et gelidas citius par viscera concitat auras,

Quæ tremulum faciunt membris existere motum.

Atque idem superius dixerat:

Est & frigida multa comes formidinis aura,

Quæ cets horrorem membris, & concitat artus,

Hujus rei doctrinam secutus Horatius ait:

Quem tu Cervus uti vallis in altera

Visum parte Lupum, graminis immemor

Sublimi fugies mollis anhelitu.

Et Græci ελαφον ἀνόητο omnino dixerunt, pro maxime formidoloso. Et Cleonymum taxat Ariosto. D. phanes timidissimum hominem, quem Nebula per figuram Cervi reserabat. Sedenim quod de animalis frigiditate Philosophi differunt, longe aliter apud Euthymium inveni, ut in subjecto habeatur hieroglyphico.

VEHEMENTIS APPETENTIA.

CAP. VII.

Vehementissimi enim desiderii signum esse Cervum ad aquæ fontem adspectantem, Divina indicant literæ, dumita canunt; *Quemadmodum sisibunda Cerva inbiat ad aquarum rivos, ita anhelat anima mea ad te, Deus.* Cerva enim suapte natura ita calida est, ajunt facri Interpretes, ut frigidissimis reptiliis carnibus mirifice relevetur; ideoque eas avidius appetit, quibus absumpsis natu-

A naturali illo calore *καὶ τὸν θερμόν* magis ac magis concitato, studiosissime gelida fontium flu-
enta perquirat.

FORMIDO SUBLATA. CAP. VIII.

Quod autem Herculem Cervum enecantem multa artificum opera proponunt, sumptum ex Poë-
tarum fabulis argumentum, in quo tamen hieroglyphicus delitescit intellectus, pavorem è
mortali vita sublatum ex eo significari tradit Heraclitus, qui pleraque fabularum figmenta in
hieroglyphicum hunc modum interpretatus est. Sed quantum ad timiditatē pertinet, cum affectus
hujusmodi in servis præcipue deprehendatur, utpote qui seorsum ab ingenua liberalitate sint vel
educati, vel instituti, mos apud Comicos in primis inolevit, ut fugitiivi, quod omnino timidorum
est, Cervi appellarentur. Ejus timoris ergo Achilles apud Homerum ignaviam objicit Agamemno-
ni, dum cervino eum corde præditum objurgat. Pomp. Festus servos fugitivos unius tantum litera
mutatione Cervos nuncupari solitos tradit. Sed enim, ut eo vocitarentur nomine, non ipsa tantum
fugacitas in causa fuit, verum etiam historia. Ajunt enim Servium Tullum ædem in Aventino Diana
B sacras, diemque instituisse Idibus Augusti, quo die ipse serva natus eset: mos vero erat, ut Deæ ara
ex cornibus fieret, cæsorumque Cervorum capita valvis & parietibus affigerentur, ipsumq; Diana
simulacrum, ut in plerisque numis habetur, cum Cervo affingeretur, quod animalia ea in ejus esse
tutela dicerentur. Ab utriusque igitur rei similitudine, & scurrili propemodum in regem loco, servi
fugitivi Cervi coepi sunt appellari. Addam id, animalia ea Cervos quasi gernos dictos, quod cor-
nua gestant usque adeo grandia. Nam & Ceres quasi Geres à gerendis frugibus dicta, ut Etymolo-
gici putant. Illud vero servile identidem est, quod onus tam magnum Cervi gerunt capite, quoniam
ponderum gestatio sit servorum propria.

AUDITUS ET SURDITAS. CAP. IX.

Surrectas auriculas Cervi, auditus acris significatum esse, ostendit illud, quod *ωτίνις ἐστωσι προ-*
verbium fertur, quod *αρρέτης αυρίbus*, Maro, & *arrigere aures* Terentius interpretatur. Contra *En lib. 1.*
vero pro surditate easdem demissas pingere moris est: quia tunc Cervi acutissime audiunt, cum sur- *Terentius*
rectas aures pretendere: cum vero eas demiserent, vix proximum excipiunt sonum. Nam cum audi- *in Andriæ*
C tus, ut placet Empedocli, fiat illisi spiritus in claviculatam aurium partem introrsus adnexam, quam *Quomodo*
tintinabuli vicem præbere dicit, utpote celso loco sitam, pulsuisque obviam, accedit ut negato per *fit auditus*
hujusmodi aurium depressionem ingressu, surditas obveniat necessario. Alia quædam Medici com- *Surditas.*
miniscuntur, sed quæ nihil ad rem nostram attinent: hoc siquidem significatum ex gestu desumitur *Aristoteles*
auris, quæ cum surrigitur, patefit: cum vero demittitur, auditum obturat. Nam & Aristoteles Cer- *lib. 9. de*
vos ait, cum aures demiserint, facile capi, quod insidias non senserint: cum vero eas intenderint, *nat. ani-*
facile insidiarum admoneri. *maliūm.*

MULIEROSUS. CAP. X.

Si qui vero mulierosum hominem, & multarum concubitum appetentem notare vellent, Cervum
exprorecto genitali pingebant. Is siquidem cum urgente jam Venere coitum appetit, non in u-
na tantum immoratur, sed mutat, breviisque interposito tempore aliam atque aliam superegreditur.
Ajunt vero Cervorum coitum non esse statarium, ut reliquorum animalium, sed Cervam simulac-
marem accepit, identidem currere, applicitumque Cervum & rem nihilo secus peragente dorso
D vectare: illum duobus tantum pedibus terræ innixum pertinaciter subsequi, nec nisi re peracta
desilire.

LASCIVIAE POENITENTIA.

CAP. XI.

Illud spectandæ probitatis exemplum est, quod volentes hominem propter propriam petulan- *Cervus tur-*
tiā, qua lapsus fuerit, pudore affectum ingenuo significare, Cervum in scrobe delitescentem *& quando-*
ostentabant. Is enim cum foeminam implerit, separatur per se ipse, & propter libidinis graveo- *littere.*
lentiam solitarius scrobes fodit: fecent enim ut Hirci, facies quoque eorum nigrescit aspergine,
ut Hircorum. Degunt igitur hac destinatione quoisque imber accidat, ablutive inde pascua re-
petunt.